

UNIVERZITET U SARAJEVU
FAKULTET POLITIČKIH NAUKA

PRIMLJENO: 23. 06 2022			
Org. jed.	Broj	Prilog	Vrijednost
02-0	737 -1	22	-

Sarajevo, 20. 06. 2022. godine

Komisija za pripremanje prijedloga za izbor akademskog osoblja po raspisanom konkursu za naučnu oblast „Žurnalistika/Komunikologija“

FAKULTET POLITIČKIH NAUKA UNIVERZITETA U SARAJEVU: VIJEĆU FAKULTETA

Predmet: Izvještaj Komisije s prijedlogom za izbor akademskog osoblja u nastavno-naučno zvanje vanredni profesor na naučnu oblast „Žurnalistika/Komunikologija“

Podaci o konkursu i imenovanju Komisije

a) Fakultet političkih nauka Univerziteta u Sarajevu na osnovu usvojenog Dinamičkog plana potreba za raspisivanje konkursa za izbor u ak. 2021./2022. godini (br. 02-1-989-2/21 od 06. 07. 2021. godine), Odluke Vijeća Fakulteta (br. 02-1-422-1/22 od 12. 04. 2022. godine) i pribavljene saglasnosti Senata Univerziteta u Sarajevu (br. 01-6-62/22 od 27. 04. 2022. godine), u skladu s čl. 103. Zakona o visokom obrazovanju Kantona Sarajevo „Službene novine Kantona Sarajevo“, br. 33/17, 35/20, 40/20 i 39/21 (dalje: ZVO), raspisao je konkurs za izbor jednog izvršioca u zvanje vanrednog profesora na naučnu oblast „Žurnalistika/Komunikologija“, u radni odnos na puno radno vrijeme. Konkurs je objavljen dana 09. 05. 2022. godine u dnevnim novinama „Dnevni avaz“, na web stranici Fakulteta političkih nauka i na web stranici Univerziteta u Sarajevu.

b) U konkursom predviđenom roku za podnošenje prijave na raspisani konkurs za izbor akademskog osoblja za nastavno-naučno zvanje vanredni profesor na naučnoj oblasti

„Žurnalistika/Komunikologija“ u predviđenom roku prijavio se jedan (1) kandidat: **doc. dr. Mustafa Sefo**.

Odlukom Vijeća Fakulteta političkih nauka Univerziteta u Sarajevu (br. 02-1-696-12/22 od 14.06. 2022. godine) imenovana je Komisija za pripremanje prijedloga za izbor akademskog osoblja (dalje: Komisija) po raspisanom konkursu na naučnu oblast „Žurnalistika/Komunikologija“. Komisija je imenovana u sljedećem sastavu:

1. **Prof. dr. Fahira Čengić, predsjednica** (redovna profesorica na naučnoj oblasti Komunikoloških/Žurnalističkih nauka na Univerzitetu u Sarajevu, Fakultet političkih nauka)
2. **Prof. dr. Amila Šljivo Grbo, članica** (redovna profesorica na naučnoj oblasti Komunikologije/Žurnalistike na Univerzitetu u Sarajevu, Fakultet političkih nauka)
3. **Prof. dr. Senadin Lavić, član** (redovan profesor na naučnoj oblasti Socioloških nauka na Univerzitetu u Sarajevu, Fakultet političkih nauka).

c) Na osnovu odluke o imenovanju Komisije za izbor nastavnika, obaveza Komisije je da Izvještaj s prijedlogom za izbor u zvanje dostavi Vijeću putem protokola Fakulteta, u skladu sa ZVO, Statutom, tekstom raspisanog konkursa i tekstom Odluke.

Nakon što je razmotrila prijavu i priloženu dokumentaciju prijavljenog kandidata Komisija podnosi sljedeći:

I Z V J E Š T A J

s prijedlogom za izbor akademskog osoblja u nastavno-naučno zvanje vanredni profesor za naučnu oblast „Žurnalistika/Komunikologija“

Izveštaj sadrži:

1. Biografske podatke o kandidatu,
2. Naučno-istraživački i stručni rad kandidata,
3. Nastavno-pedagoški rad kandidata i
4. Završnu ocjenu komisije i prijedlog za izbor.

Doc. dr. Mustafa Sefo se prijavio na objavljeni konkurs za izbor u zvanje vanrednog profesora. Uz prijavu je dostavio sljedeću dokumentaciju:

- Biografiju (CV) i spisak objavljenih naučnih radova u pismenoj i elektronskoj formi,
- Nostrifikaciju - Rješenje o priznavanju visokoškolske kvalifikacije „Doktorata iz oblasti komunikologije/žurnalistike“, stečene na Fakultetu za komunikologiju, Instituta za društvena istraživanja Univerziteta u Istanbulu, koja je priznata od strane Univerziteta u Sarajevu, te prijevod diplome od strane sudskog tumača na bosanski jezik,
- Potvrdu o provedenom jednom punom izbornom periodu u zvanju docent,
- Dokaz o uspješno obavljenim master mentorstvima,
- Dokaze o objavljenim naučno-istraživačkim radovima (8 radova),
- Autorsku knjigu u printanoj formi,
- Dokaz o stručnom učešću u znanstveno-istraživačkom projektu,
- Dokaze o učešću na međunarodnim konferencijama i simpozijima u periodu prethodnog izbora u zvanju docenta te
- Dokaze o poznavanju svjetskih jezika (engleski, francuski i turski jezik).

Prijava dr. Mustafe Sefo je blagovremena i potpuna, što je potvrdila sekretarica Fakulteta političkih nauka Univerziteta u Sarajevu potvrdom pod navedenim brojem (01-3-608-3/22 od 23.05.2022. godine). Komisija je, u skladu sa zakonskim i statutarnim odredbama, vrjednovala ispunjenost uvjeta za izbor u zvanje vanredni profesor na naučnu oblast „Žurnalistika/Komunikologija“. Uvjeti za izbor nastavnika u zvanje vanredni profesor, normirani su u čl. 96. st. 1. tač. e) ZVO i čl. 194. st. 1. tač. e) Statuta Univerziteta u Sarajevu:

- a) proveden najmanje jedan izborni period u zvanju docenta;

- b) najmanje pet naučnih radova iz oblasti za koju se bira, objavljenih u priznatim publikacijama koje se nalaze u relevantnim naučnim bazama podataka;
- c) objavljena knjiga;
- d) originalni stručni uspjeh kao što je projekat, patent ili originalni metod;
- e) uspješno mentorstvo najmanje jednog kandidata za stepen drugog ciklusa studija odnosno integriranog studija.

Doc. dr. Mustafa Sefo u zvanje docenta izabran je na oblast žurnalistike/komunikologije 27. 12. 2017. godine, te je u tom zvanju proveo jedan izborni period (potvrda br. 01-3-568-1/22 od 11. 05. 2022. godine).

Prema odredbama čl. 102. st. 2. ZVO objavljeni radovi, knjige i rezultati vlastitih istraživanja u primjeni, projekti i mentorstva su vrjednovani samo ukoliko su nastali u vremenu od posljednjeg izbora u zvanje, odnosno u konkretnom slučaju od izbora u zvanje docenta.

1. Osnovni biografski podaci

Doc. dr. Mustafa Sefo rođen je u Mostaru, 15. 11. 1987. godine. Osnovnu školu „Silvije Strahmir Kranjčević“ u Sarajevu završio je odličnim uspjehom godine 2002. Prvu bošnjačku gimnaziju završio je 2006. godine, također u Sarajevu, odličnim uspjehom. Diplomirao je na Fakultetu političkih nauka (Odsjek žurnalistike/komunikologije) Univerziteta u Sarajevu, godine 2009., a magistrirao takođe na Fakultetu političkih nauka (Odsjek žurnalistike/komunikologije) Univerziteta u Sarajevu, 2011. Doktorirao je na Fakultetu za komunikologiju, Institut za društvena istraživanja Univerziteta u Istanbulu, Republika Turska, 2016. godine.

Akademsku karijeru započeo je kao demonstrator na Bachelor i Master studiju u akademskim 2007./2008., 2008./2009. te 2009./2010. godinama, na više predmeta na Odsjeku na kojem radi i studirao je. U zvanje asistenta na ovom Odsjeku izabran je 2014. godine i asistirao je na predmetima „Teorija informacija“, „Printano novinarstvo“, „Medijska kultura“, „Novinarska praksa“, „Istraživačko novinarstvo“, „Opća komunikologija“, „Javno mnijenje“, i „Neverbalno komuniciranje“. Tokom akademske 2014./2015. bio je angažiran za stručnog saradnika na Doktorskom studiju Odsjeka žurnalistike/komunikologije. Bio je sekretar Odsjeka žurnalistike/komunikologije u periodu od 01. oktobra 2015. do 01. maja 2018. Bio je

urednik u redakciji studentskog časopisa "Studentski list" u nekoliko akademskih godina. Tokom izbornog perioda u zvanju docenta predavao je predmete: „Opća komunikologija“, „Savremeni komunikacijski sistemi 1“, „Savremeni komunikacijski sistemi 2“, „Praksa 1“, „Javno mnijenje“, „Savremene komunikološke teorije“, „Novinarska praksa“. Trenutno predaje predmete: „Opća komunikologija“, „Korporativni mediji i javni servisi“, „Javno mnijenje“ i „Savremene komunikološke teorije“.

Uz maternji bosanski, tečno govori francuski, turski i engleski jezik.

Objavio je autorsku knjigu „Uvod u komunikologiju“, više naučnih i stručnih radova, prikaza knjiga, i učestvovao je na brojnim konferencijama i seminarima u svojstvu izlagača i diskutanta, što će se detaljnije moći pročitati u nastavku ovog izvještaja

Stechene diplome, stručna/naučna zvanja

Doc. dr. Mustafa Sefo diplomirao je na Odsjeku za žurnalistiku/komunikologiju (smjer PR-Odnosi s javnošću) Fakulteta političkih nauka Univerziteta u Sarajevu u julu 2009. godine i stekao zvanje Bachelor Poslovnog komuniciranja.

Magistarski rad pod naslovom: *Humanizam i ljudska egzistencija u printanim žanrovima* odbranio je na Odsjeku za žurnalistiku/komunikologiju (smjer Klasično novinarstvo) Fakulteta političkih nauka Univerziteta u Sarajevu u septembru 2011. godine i stekao naučno zvanje magistra komunikologije/žurnalistike.

Naučni stepen doktora nauka iz oblasti žurnalistike/komunikologije stekao je uspješnom odbranom doktorske disertacije pod naslovom: *Specifičnosti strukture, rada i organizacije medija u Bosni i Hercegovini*, 16. avgusta 2016. godine na Fakultetu za komunikologiju, Instituta za društvena istraživanja Univerziteta u Istanbulu, Republika Turska.

2. Naučno – istraživački, stručni i profesionalni rad kandidata

a) Naučni radovi objavljeni do izbora u zvanje docenta:

1. „Jedna životna ispovijest“ (časopis BDK 'Preporod, Sarajevo, 2010, ISSN 1512 8180), str. 433-435;

2. „*Utjecaj i posljedice socijalnih medija na društvo*“ (časopis BZK ‘Preporod’, 2013, ISSN 8180 SI), str. 565-568;
3. „*Istok i Zapad inteferentno, kao idealan put*“ (časopis ‘Preporod’, 2014, ISSN 1512-8180), str. 534-537;
4. „*Problemi u identifikaciji i lociranju terorista na području Evrope*“ (Veleučilište Velika Gorica Zbornik radova sa VIII međunarodne znanstveno-stručne konferencije *Dani kriznog upravljanja*, 2015, UDK 351.862.2(4):323.285/343.91:323.285-051), str. 163-172 (u koautorstvu s prof.dr. Muris Mujanović);
5. „*Expertise of nonmaterial damage due to violation of bodily integrity*“ (časopis *TTEM – Technics technologies education menagement*, DRUNPP Sarajevo, 2015, ISSN 1840-1503), str. 78-88 (u koautorstvu s prof.dr. Nedžad Korajlić, prof.dr. Muris Mujanović, doc.dr. Haso Sefo);
6. „*Medijski imperijalizam u svijetu kao posljedica kulturnog imperijalizma*“, (časopis *Pregled UNSA*, 2016, Sarajevo ISSN 0032-7271), str. 181-186;
7. „*Odgovornost medija i poštovanje slobode govora u medijima kroz primjenu novinarskog ethosa*“, (časopis *Medijski dijalozi*, Istraživački medijski centar Podgorica, 2017, COBICS.CG-ID12734480), str- 7-17.

b) Objavljene knjige nakon izbora u zvanje docenta:

1. Autorska knjiga „*Uvod u komunikologiju*“, Perfecta Sarajevo, ISBN 978-9926-403-41-6, COBISS.BH-ID 4903552, Perfecta, Sarajevo 2022. godine.

U navedenoj knjizi, u njenom prvom dijelu, kandidat je predstavio medije, jezik i komunikaciju u savremenom dobu, jasno pobrojao i precizno definirao, te objasnio osnovne komunikološke pojmove, vrste komunikacije, vrste medija, odgovornost medija prema društvu, novinarsku etiku, uticaj medija i medijske slobode, važnost komunikacije, promjene koje nastaju u komunikaciji pod uticajem raznih faktora, te medijski tretman različitih društvenih kategorija.

U drugom dijelu, kandidat je predstavio položaj Bosne i Hercegovine u pojmovnim određenjima komunikologije i jezika, medije u Bosni i Hercegovini, te značaj maternjeg jezika u razvijanju svijesti o maternjem jeziku u medijima. Ova autorska knjiga kandidata dr. Mustafe Sefe značajna

je kako za studente, tako i za akademske djelatnike društvenih i humanističkih, kao i ostalih nauka. Naime, u dobu u kojemu živimo, osnovne komunikacijske vještine u svakodnevnicima, struci i edukaciji, kao i dublja komunikološka kao znanstvena i podupiruća znanja su neophodna svakom subjektu društvenih tokova. U dobu, koje osim znanja i epistemičkih kriterija, zahtijeva cjeloživotno napredovanje, educiranje i snalaženje u stalno mijenjajućem svijetu i ubrzanim tokovima svakodnevnice, neophodno je svim članovima zajednice (o)vladati putokazima za snalaženje u informacijskom dobu, komunikacijskom dobu, tehnološkom dobu, digitalnom dobu – kako je sve moguće opisati našu modernost, najčešće nazvanu postmoderna, a što su sve na svaki način znanja, elementi i sadržaji komunikoloških nauka i komunikacijskih vještina o kojima knjiga govori.

O značaju knjige „Uvod u komunikologiju“, možda najbolje govore riječi njenih recenzenta: „Knjiga koju recenziramo, naslovljena skromno ali značajno kao Uvod u komunikologiju, nedostajala je ukupnom korisnom spektru objavljenih knjiga i priručnika na Fakultetu političkih nauka Univerziteta u Sarajevu kao i u susjednim srodnim studijima. Bit će najprije korisna studentima komunikologije ili novinarstva, ali će svakako dobro doći svima koji se na indirektan način susreću s toliko važnim i prisutnim terminima našeg doba. A to su prije svega termini ili pojmovi, izrazi, fraze ili izrazi za koje često pomislimo da su samorazumljivi, ali je takve i ponajteže definirati.“, što primjećuje prof. dr. Fahira Fejzić Čengiđ, a prof. dr. Senadin Lavić ističe: „Naravno, autor je posvetio pažnju povijesti ideja jezika, govora i komuniciranja od Platona, Aristotela do Noama Chomskog, Johna L. Austina, Harolda Lasswella, Romana Jakobsona i bosanske profesorice komunikologije Emine Kečo-Isaković, čiji je Sefo nasljednik.“.

c) Naučni radovi objavljeni nakon izbora u zvanje docenta:

1. „Regulacija rada medija i zaštita javnosti pomoću dosljedne primjene medijskog prava“, BZK Preporod, Godišnjak 2019, str. 62-70 (C.E.E.O.L) ISSN 1512-8180 (print) / ISSN 2637-3440 (online).
Dostupno na: <https://www.preporod.ba/wp-content/uploads/godisnjak-2019.pdf>;
2. „Promicanje društvenih vrijednosti uz primjenu medijske etike“, BZK Preporod, Godišnjak 2019, str. 55-61 (C.E.E.O.L) ISSN 1512-8180 (print) / ISSN 2637-3440 (online).

- Dostupno na: <https://www.preporod.ba/wp-content/uploads/godisnjak-2019.pdf> (u koautorstvu s prof.dr. Fahira Fejzić Čengić);
3. „*O kulturi sjećanja u javnoj komunikaciji*“, BZK Preporod, Godišnjak 2020, (C.E.E.O.L) ISSN 1512-8180 – (izdata potvrda da je rad prihvaćen za objavu)¹;
 4. „*Unifikacija komuniciranja i kulture u savremenosti*“, Pregled / časopis za društvena pitanja, godina 2019, broj 2, str. 291-297 (EBSCO Publishing, INDEX COPERNICUS, ROAD i C.E.E.O.L) ISSN 0032-7271. Stručni članak.
Dostupno na: <https://www.pregled.unsa.ba/index.php/pregled/article/view/213/218>;
 5. „*Medijski aspekt nastanka i razvoja međukulturalne komunikacije*“, Pregled / časopis za društvena pitanja, godina 2019, broj 3, str. 29-41 (EBSCO Publishing, INDEX COPERNICUS, ROAD i C.E.E.O.L) ISSN 0032-7271. Pregledni naučni rad.
Dostupno na: <https://www.pregled.unsa.ba/index.php/pregled/article/view/219/224>;
 6. „*Javno mnijenje i medijsko oblikovanje javnog mnijenja*“, Pregled / časopis za društvena pitanja, godina 2021, broj 1, str. 175-184 (EBSCO Publishing, INDEX COPERNICUS, ROAD i C.E.E.O.L) ISSN 0032-7271. Pregledni naučni rad.
Dostupno na: <https://www.pregled.unsa.ba/index.php/pregled/article/view/911/931>;
 7. „*Komunikacija u pandemijskom vremenu*“, Zbornik radova, Šesta internacionalna konferencija: „Sarajevo i svijet u pandemijskim vidicima“ april/maj, 2020. Forum Bosnae, Međunarodni forum Bosna, 89-90/20., str. 106-110 (C.E.E.O.L) ISSN 1512-5122.

Dostupno na: http://www.forumbosna.org/uimages/Zbornik_radova_ICSW6.pdf (u koautorstvu s prof. dr. Fahira Fejzić Čengić);
 8. „*The Soul's Precedence in Everyday Communications*“, Religions, A scholarly journal – ISSUE 15 _ Januray 2022, Doha International Center for Interfaith Dialogue, str. 16-27 (EBSCO Publishing i platforme LOCKSS i SHERPA/ROMEO) ISSN 2218-7480.
Dostupno na: https://www.dicid.org/wp-content/uploads/2022/02/Adyan_En_issue_15.pdf?fbclid=IwAR0WfSLZ8vZX66yIMearF6hp_LS82_mAScksJ4-1ErpOKdVp7AeXmFOUvY (u koautorstvu s A. Demirović).

¹ Priložena zvanična potvrda/obavijest izdavača o pozitivnoj recenziji s naznakom da je rad prihvaćen za objavu.

d) Stručni radovi

1. „Medijski tretman; zastupljenost i izvještavanje o osobama s invaliditetom“, Paraplegija i mi, Glasilo saveza- Godina VI- April 2019.- Broj 15, Savez paraplegičara i oboljelih od dječije paralize Federacije Bosne i Hercegovine, str. 30-33, ISSN 2303-5870. Dostupno na: <https://www.scribd.com/document/409550000/Paraplegija-i-mi-broj-15-pdf>

e) Naučnoistraživački projekti

1. „Paraplegija i mi“, član projektnog tima, član koordinacije i implementiranja dijela projekta kao i autor nakon toga nastalog stručnog rada pod naslovom: „Medijski tretman; zastupljenost i izvještavanje o osobama s invaliditetom“, 2019. godine.

f) Uredništvo i lekture

1. Lektor knjige „Hernije intervertebralnih diskusa vratne kičme“, autora prof. dr. Hase Sefe.

g) Recenzije

1. Recenzent knjige „Medijski zapis o zemlji“, autorice prof.dr. Fahire Fejzić Čengić;
2. Recenzent naučnih radova u naučnim časopisima „Pregled“- Univerzitet u Sarajevu i „DHS-društvene i humanističke studije“ – Univerzitet u Tuzli.

h) Promotor i moderator knjiga

1. Moderator autorske publikacije-knjige autorice prof.dr. Fahire Fejzić-Čengić pod naslovom „Kao ribe u vodi, ka filozofiji medija ili kako opstati s medijima“, u Sarajevu 2019. godine.
2. Promotor autorske publikacije-knjige autora Omera Karića pod naslovom „Četiri puta za Mostar, mediji u Hercegovini 1992-1995.“, Jablanica 2021. godine.

i) Učešće na domaćim, međunarodnim, stručnim i naučnim skupovima i konferencijama:

Kandidat je, od izbora u zvanje docenta, sa izlaganjima, diskusijama i polemikama učestvovao u radu više naučnih i stručnih skupova, simpozija i okruglih stolova od međunarodnog i domaćeg značaja i karaktera, od kojih su najznačajniji sljedeći:

1. Učesnik na Međunarodnoj naučnoj konferenciji "*Pravo i multidisciplinarnost*" na Pravnom fakultetu u Nišu (Srbija), 12-13. april 2019. godine, sa izlaganjem na temu "Pravo i mediji: pravni aspekt djelovanja i regulacije medija";
2. Učesnik na konferenciji „*Promovisanje pristupa invaliditetu zasnovanog na ljudskim pravima*“, u organizaciji saveza paraplegičara i oboljelih od dječije paralize Federacije Bosne i Hercegovine, decembar 2019., sa izlaganjem na temu: „*Medijski tretman; zastupljenost i izvještavanje o osobama s invaliditetom*“;
3. Učesnik na Šestoj internacionalnoj konferenciji "*Sarajevo i svijet*", u organizaciji Forum Bosnae Sarajevo, april-maj 2020. godine u okviru glavnog raspravnog stola "*Sarajevo i svijet: U pandemijskim vidicima*", sa izlaganjem na temu "*Komunikacija u pandemijskom vremenu*";
4. Učesnik na „*Šestom međunarodnom studentskom simpoziju*“, 5-6. april 2020. godine, u organizaciji Sakarya Univerziteta, u gradu Sakarya, Republika Turska;
5. Učesnik online konferencije pod nazivom "*Turski alumni govore*", 22. april 2020. godine;
6. Učesnik na "*12. Međunarodnim studentskim susretima*" u Istanbulu, 27-28. april 2020. godine, u organizaciji Predsjedništva Republike Turske;
7. Učesnik na "*Trećem simpoziju o bosanskom jeziku*", 20-21. maj 2021. godine, u organizaciji Instituta za jezik Univerziteta u Sarajevu, sa izlaganjem na temu "O bosanskom jeziku u nekim novim evropskim orijentalizmima";
8. Učesnik „*Sedmog međunarodnog studentskog simpozija*“, 1-3. septembar 2021. godine, u organizaciji Samsun Univerziteta- u gradu Samsunu, Republika Turska.

3. Nastavno-pedagoški rad kandidata

Potrebno nastavno i pedagoško iskustvo kandidat dr. Mustafa Sefo sticao je kroz višegodišnji angažman na Fakultetu u radu sa profesorima i studentima, prvo u svojstvu demonstratora, potom asistenta te docenta.

U zvanju asistenta na Odsjeku žurnalistike/komunikologije bio je angažiran u realizaciji nastavnih aktivnosti na predmetima: „Teorija informacija“, „Printano novinarstvo“, „Medijska kultura“, „Novinarska praksa“, „Istraživačko novinarstvo“, „Opća komunikologija“, „Javno mnijenje“, i „Neverbalno komuniciranje“.

U zvanje docenta na Odsjeku žurnalistike/komunikologije Fakulteta političkih nauka Univerziteta u Sarajevu izabran je u decembru 2017. godine (potvrda br. 01-3-568-1/22 od 11. 05. 2022. godine) na naučnu oblast Komunikologija/Žurnalistika. Trenutno na prvom ciklusu studija kandidat predaje *Opću komunikologiju* u prvom semestru studija i *Korporativne medije i javne servise* u šestom semestru. Na drugom ciklusu studija predaje predmet *Javno mnijenje i Savremene komunikološke teorije*.

U dosadašnjem radu kandidat je pokazao visok stepen profesionalnosti i akademskog ponašanja, kako u odnosu prema studenticama/studentima (tokom nastavnog procesa, konsultacija za izradu seminarskih radova, master teza, obezbjeđivanja odgovarajuće literature itd.), tako i u odnosu prema radnim kolegicama/kolegama. U prilog ovome, pored ostalog, govore visoke ocjene studenata iz evaluacije nastavnika/saradnika na prvom i drugom ciklusu studija.

Na drugom ciklusu studija (stručni stepen magistra) doc. dr. Mustafa Sefo je bio mentor sljedećim kandidatima (19):

1. Hasanbegović Nejira, magistarski rad odbranjen dana 17.02.2022. godine;
2. Ademaj Irma, magistarski rad odbranjen dana 18.10.2021. godine;
3. Skrobo Maksida, magistarski rad odbranjen dana 23.09.2021. godine;
4. Lončar Arnela, magistarski rad odbranjen dana 25.06.2021. godine;
5. Gajić Dragica, magistarski rad odbranjen dana 24.06.2021. godine;
6. Komarica Tahani, magistarski rad odbranjen dana 20.05.2021. godine;

7. Porča Dženan, magistarski rad odbranjen dana 25.03.2021. godine;
8. Duraković Maida, magistarski rad odbranjen dana 17.12.2020. godine;
9. Hasanović Delva, magistarski rad odbranjen dana 20.07.2020. godine;
10. Ljubović Mubina, magistarski rad odbranjen dana 14.07.2020. godine;
11. Erkočević Fatima, magistarski rad odbranjen dana 14.07.2020. godine;
12. Tiganj Džejlana, magistarski rad odbranjen dana 21.02.2020. godine;
13. Arnautović Benjamin, magistarski rad odbranjen dana 28.10.2019. godine;
14. Curkić Amina, magistarski rad odbranjen dana 28.10.2019. godine;
15. Begić Adna, magistarski rad odbranjen dana 16.09.2019. godine;
16. Hodžić Amila, magistarski rad odbranjen dana 09.07.2019. godine;
17. Điver Sanela, magistarski rad odbranjen dana 20.06.2019. godine;
18. Muminović Envera, magistarski rad odbranjen dana 17.06.2019. godine;
19. Hodžić Amina, magistarski rad odbranjen dana 17.06.2019. godine.

(Potvrda br. 02-7-401-3/22 od 12 .05. 2022. godine).

Iz značajnog broja izvedenih magistara struke žurnalistike/komunikologije, može se primijetiti aktivan pristup kandidata u radu sa studentima na izradi i odbrani MA teza.

Na trećem ciklusu studija (stručni stepen doktor nauka) doc. dr. Mustafa Sefo je u svojstvu člana komisije, učestvovao u pripremi i odbrani doktorske disertacije kandidata mr. Halima Alibašića, pod naslovom „*Bosanskohercegovačka dijaspora u Njemačkoj-komunikološki aspekt*“.

(Odluka br. 02-1-438-1/2022 od 12.04.2022. godine)

4. Zaključna ocjena i prijedlog komisije

Na konkurs za izbor nastavnika u zvanje vanredan profesor na naučnu oblast „Komunikologija/Žurnalistika“, objavljen dana 09. 05. 2022. godine u dnevnim novinama „Dnevni avaz“, na web stranicama Fakulteta političkih nauka i Univerziteta u Sarajevu, prijavio se jedan kandidat: dr. Mustafa Sefo, docent na Fakultetu političkih nauka Univerziteta u Sarajevu.

Na osnovu prezentiranih činjenica i ocjena sadržanih u ovom Izvještaju, Komisija jednoglasno cijeni da dr. Mustafa Sefo posjeduje stručne, naučno-istraživačke i akademsko-pedagoške osobine, odnosno da ispunjava sve tražene uvjete za izbor u akademsko zvanje vanredni profesor na naučnu oblast „Komunikologija/Žurnalistika“, budući da je:


- proveo jedan izborni period u zvanju docenta, odnosno od četiri i po godine u nastavi u svojstvu nastavnika na Fakultetu političkih nauka Univerziteta u Sarajevu, izvodeći nastavu, konsultacije i ispite na predmetima iz oblasti Komunikologije/Žurnalistike na prvom i drugom ciklusu studija;
- kao autor, od izbora u zvanje docenta, objavio autorsku knjigu;
- objavio značajan broj naučnih radova;
- uspješno realizirao devetnaest mentorstava na drugom ciklusu studija;
- kao član projektnog tima, uspješno koordinirao i implementirao dio projekta i učestvovao u više međunarodnih naučno-istraživačkih projekata;
- bio učesnik na više međunarodnih i domaćih skupova sa izlaganjima/referatima.

Na osnovu utvrđenog, Komisija konstatira da kandidat dr. Mustafa Sefo ispunjava sve uslove za izbor u nastavno-naučno zvanje vanredni profesor propisane odredbama čl. 96. st. 1. tač. e) ZVO i čl. 194. st. 1. tač. e) Statuta Univerziteta u Sarajevu. U skladu s navedenim, Komisija sa zadovoljstvom p r e d l a ž e Vijeću Fakulteta političkih nauka Univerziteta u Sarajevu da dr. Mustafu Sefu izabere u naučno-nastavno zvanje vanrednog profesora na naučnu oblast „Žurnalistika/Komunikologija“.


Sarajevo, 20. 06. 2022. godine

Komisija:

1. Prof. dr. Fahira Čengić, predsjednica



1. Prof. dr. Amila Šljivo Grbo, članica



2. Prof. dr. Senadin Lavić, član

